

74 *Laus Deo, 1516, in Baruto in nave.**Copia de uno capitolo de una letera de 3 de Septiembre, fata in Baruto in nave.*

Son per dirve la dolente e pessima nova de la rotta, insieme con la morte del signor Soldan con el campo suo, perchè, come per l'altra mia ve disi, el Signor turcho mandò l'ambasador del signor Soldan adriedo vilanzando e tortizando, et mandò a disfidar el Signor che a di 27 de Avosto el fosse in Anteb. La qual cosa udita per el signor Soldan, subito feze cavalcar tutte le sue zente, et esso signor Soldan cavalehò driedo, et cussi se scontrorno in le zente et campo del Signor turco, et deteno dentro e fezeno una grande tagiata et ozision de turchi per tal modo e via, che turchi se messeno per rotli, e per reparar messeno li cariazzi avanti et li schiavi per ingordixia del vadagno se messeno a la sodelada in li cariazzi, e turchi sbororno tutte le artelarie et schioptetti, *ita* che queste bestie se messeno in fuga et se ne fuzirno et scamporno, e turchi driedo. Se dise non è stà morto poco più de schiavi 500, perchè queste bestie, come sentirno le artelarie, tutti fuzirno come bestie. Et se dize la più parte de signori esser stà morti, et el signor Soldan esser morto per tanto cridar che i non fuzisse, et el signor da Damasco morto con el suo diodar et chaxendar, et el signor da Tripoli, Azebo et molti altri; tutto el resto di schiavi sono fuziti a Damasco, et là fanno la massa. Se dize hanno fatto uno Soldan novo, che è El Gazelli valentissimo homo, et che i voleno tornar un'altra volta ad avixo. Da poi quei de Alepo deteno la terra al Signor turco et el castello, et è intrà pazifichamente et non fa mal a niuno; ha fato le cride che tutti siano exenti d'ogni angaria. Se dize *etiam* l'ha abuto Aman. Quelli da le montagne da Tripoli sono venuti zoxo a Tripoli, et hanno messo a sacho da caxe 400 de schiavi nostrani. Li nostri a Tripoli haveano libato ogni cosa et sono pasati in; nui de qui a Barutto siamo zà zorni 3 in nave. Se crede tutti li schiavi andarano al Chaiero; che cuxi seguen-do, Damasco sarà fina zorni 3 del Signor turco, et li mori el desiderano. Questo è quanto el seguite de questa guerra fin qui, et pertanto questo mexe el Signor turco sarà signor de questo paexe. Qui in Barutto ne sono di 400 arzieri, che guardano la terra. La carovana de la Mecha e tutte le altre non anderanno per questo anno.

A di 28 Octubrio. Fo San Simion. Non fo lettere da conto. Veneno li avogadori extraordinarii sier Zuan Dolphin, sier Marco Foscarei e sier Lorenzo Orio dotor, et mandati fuora tutti quelli non intrano nel Consejo di X, exposeno zercha voler prender di retenir Andrea Candi scrivano sora i officii, rasonato in campo; *adeo* fo giudicato havesseno intromesso qualche homo da conto, et se diceva volevano il Pregadi. E ogniun diceva la soa; sichè quello seguirà l'intenderete da poi, qui avanti.

Dil campo, dil Griti, fo letere di 26, da Villafrancha

Da poi disnar, fo Gran Consejo, non fu il Principe, justa il solito, et fossemo pochi, et quello fu fato è questo:

Scurtinio di Capitano in Candia.

Sier Zuan Arimondo, fo cinque di la Paxe, qu. sier Zorzi, ducati 300 e il don	26. 77
Sier Bernardin Minoto qu. sier Piero, ducati 300 e il don	31. 70
Sier Donado Dolfin di sier Sebastian	11. 90
Sier Giacomo da cha' Taiapiera, qu. sier Lucha, ducati 400 e il don .	59. 44
† Sier Marco Barbarigo, fo XL, qu. sier Andrea, qu. Serenissimo, ducati 300 e il don, et promete portarli doman da matina	75. 24
Non. Sier Gaudenzio Morexini, fo XL zivil, qu. sier Pasqual	

Castelan a Liesna.

Sier Donado Dolfin, di sier Sebastian, ducati 350 e il don	27. 76
† Sier Antonio Nani, fo Cao di XL, qu. sier Francesco, portò ducati 200 e il don	85. 17
Sier Batista Zane, qu. sier Andrea, ducati 300 e il don	20. 83
Sier Marco Moro, fo signor di note, qu. sier Bortolamio, ducati 300 e il don; dei qual ne portò 100, et promete subito dar il resto . .	42. 60
Sier Bernardin Minoto qu. sier Piero	24. 77

(1) La carta 74* è bianca.

(2) La carta 75* è bianca.